



JIZZAX VILOYATI FORISH TUMAN HOKIMI Q A R O R I

2023 - yil 20 - yanvar

20-3-53-Q/23

Forish tuman hokimligi

Tumandagi transport vositalarini majburiy texnik ko'rikdan o'tkazish to'g'risida

O'zbekiston Respublikasining "Yo'l harakati xavfsizligi to'g'risida"gi qonunining 17-moddasi, O'zbekiston Respublikasi Vazirlar Maxkamasining 2021-yil 9-martdagi 125-sonli qarori bilan tasdiqlangan "Transport vositalarini majburiy texnik ko'rikdan o'tkazish tartibi to'g'risida"gi Nizomga muvofiq, transport vositalarining 2023-yilgi texnik ko'rigini tashkil qilish maqsadida, "Mahalliy davlat hokimiyati to'g'risida"gi O'zbekiston Respublikasi qonunining 6-moddasiga asosan

QAROR QILAMAN:

1. Tuman hududidagi barcha yuridik shaxslarga tegishli bo'lgan yengil va yuk avtotransportlar, jismoniy shaxslarga tegishli bo'lgan yuk tashuvchi avtotransport vositalari va ularga tirkamalar majburiy texnik ko'rikdan o'tkazilsin.
2. Transport vositalarini texnik ko'rikdan o'tkazish jadvali 1-ilovaga muvofiq, transport vositalari texnik ko'rigini o'tkazish bo'yicha tuman komissiyasi tarkibi 2-ilovaga muvofiq tasdiqlansin.
3. O'zbekiston Respublikasi Vazirlar Maxkamasining 2021-yil 9-martdagi 125-sonli qarori bilan tasdiqlangan "Transport vositalarini majburiy texnik ko'rikdan o'tkazish tartibi to'g'risida"gi Nizom talablariga asosan jismoniy shaxslar shartnoma asosida jalb etilgan xususiy texnik xizmat ko'rsatish stansiyalarida hamda yuridik shaxs sifatida davlat ro'yxatidan o'tgan tadbirkorlik subyektlarida M1 toifadagi transport vositalari egalari o'z transport vositasining texnik holati va uskunolari muvofiqligini baholash uchun belgilangan yig'im to'lovini amalga oshirgandan so'ng, o'z tanloviga ko'ra texnik ko'rikdan o'tkazishi

belgilansin.

4. Transport vositalari quyidagi davriylikka muvofiq texnik ko'rikdan o'tkazilsin:

a) yuk avtomobillari, yirik gabaritli, og'ir vaznli va xavfli yuklarni tashish uchun maxsus transport vositalari va ularga tirkamalar – bir yilda ikki marta;

b) ishlab chiqarilganligiga besh yildan ko'p bo'lmagan (ishlab chiqarilgan yili ham shu jumlagi kiradi) transport vositalari (mazkur bandning ikkinchi xatboshida ko'rsatilgan transport vositalaridan tashqari) – ikki yilda bir marta;

v) ishlab chiqarilgan yilini hisobga olgan holda ishlab chiqarilganligiga besh yildan ortiq bo'lgan transport vositalari, shuningdek ishlab chiqarilgan vaqti aniqlanmagan transport vositalari (mazkur bandning ikkinchi xatboshida ko'rsatilgan transport vositalaridan tashqari) – bir yilda bir marta;

g) tirkamalar ko'rikka transport vositasi – shatakchi uchun belgilangan muddatlarda taqdim etiladi.

d) navbatdagi texnik ko'rikdan o'tkazishning ilgari o'rnatilgan muddatlaridan qat'iy nazar, ularni DYHXX organlarida ro'yxatdan o'tkazish (qayta ro'yxatdan o'tkazish) vaqtida;

e) ular ishlab chiqarilgan yildan qat'i nazar, DYHXX organlarida ro'yxatdan o'tkazilgan (qayta ro'yxatdan o'tkazilgan) kundan boshlab bir yil o'tgach (mazkur bandning ikkinchi xatboshida ko'rsatilgan holatlar bundan mustasno).

5. Mazkur qarorning 4-bandi ikkinchi xatboshida ko'rsatilgan transport vositalarining texnik ko'rigi:

birinchi marta – 1-mart – 30-iyunda;

ikkinchi marta – 1-sentyabr – 31-oktyabr kunlarida o'tkazilishi inobatga olinsin.

Jismoniy va yuridik shaxslarga tegishli boshqa transport vositalarining texnik ko'rigi 1-yanvar – 31-dekabr kunlarida o'tkaziladi;

6. Yuridik shaxslarning transport vositalarini texnik ko'rigi transport vositalari ro'yxatdan o'tkazilgan (vaqtincha ro'yxatdan o'tkazilgan) joyida:

zarur shart-sharoitlarga (texnik diagnostika uskunalariga, ko'tarish moslamalariga yoki qarab chiqish uchun chuqurchalarga, nazorat-o'lchash asboblari, asfalt yoki beton qoplangan bir tekis gorizontallarga) va malakali mutaxassislariga ega bo'lgan tashkilotlarda;

texnika xizmati ko'rsatish stansiyalarida;

DYHXXning diagnostika stansiyalarida;

DYHXX organlari tomonidan o'rnatilgan texnik nazorat postlarida o'tkazilishi, texnik ko'rikdan o'tkazish joylari DYHXXning hududiy bo'linmalari tomonidan belgilanishi inobatga olinsin.

7. Transport vositalari texnik ko'rigini o'tkazish bo'yicha tuman komissiyasiga
(V. Xusanov):

transport vositalarining texnik holati, ulardan foydalanish normalari va qoidalariga rioya etilishi ustidan samarali nazoratni tashkil etish;

transport vositalarining texnik holati va uskunalari yo'l harakati xavfsizligi texnik reglamentlari yoki standartlari, qoidalari, normalariga muvofiqligini baholash;

transport vositalari sonini, ularning holatini, amalda mavjudligini, tegishlilikini va boshqa ro'yxatdan o'tkazish ma'lumotlarni aniqlashtirish vazifasi yuklatilsin.

8. O'zbekiston Respublikasi Vazirlar Mahkamasining 2021-yil 9-martdagi 125-sonli Transport vositalarini majburiy texnik ko'rikdan o'tkazish tartibini takomillashtirishga doir qo'shimcha chora-tadbirlar to'g'risida qarori 3-bandiga ko'ra, O'zbekiston Respublikasi Milliy gvardiyasi, Mudofaa vazirligi, Ichki ishlar vazirligi, Davlat xavfsizlik xizmatining harbiy bo'linmalari transport vositalari ko'rsatib o'tilgan idoralar tomonidan belgilangan tartibda majburiy texnik ko'rikdan o'tkazilishi inobatga olinsin.

9. Transport vositalari DYHXXning hududiy organi tomonidan texnik ko'rikdan o'tkazilganligi uchun, shuningdek birinchi (oldingi) texnik ko'rikda nosoz deb topilgan transport vositalari takroriy texnik ko'rikdan o'tkazilganligi uchun O'zbekiston Respublikasi Ichki Ishlar vazirligi tomonidan Moliya vazirligi bilan kelishilgan holda tasdiqlanadigan miqdorlarda yig'im undirilsin va mahalliy byudjetga o'tkazilsin.

10. Tuman Ichki ishlar bo'limi ommaviy axborot vositalarida transport vositalarining barcha egalariga, avtomobillarga texnika xizmati ko'rsatuvchi tashkilotlarga majburiy texnik ko'rikdan o'tkazish tartibini yetkazishga qaratilgan keng tushuntirish ishlari o'tkazilishini tashkil etsin.

11. Mazkur qaror "Forish tongi" gazetasida chop etilsin va hokimlikning **www.forish.jizzax.uz** – rasmiy veb-saytiga joylashtirilsin.

12. Ushbu qaror qabul qilinishi munosabati bilan tuman hokimining 2021-yil 15-dekabrda 172-3-53-Q/21-sonli qarori o'z kuchini yo'qotgan deb hisoblansin.

13. Mazkur qarorning ijrosini nazorat qilish tuman hokimining o‘rinbosari

F. Amirov zimmasiga, ijrosini tashkil etish tuman ichki ishlar bo‘limi boshlig‘i Q. Nazarov zimmasiga yuklatilsin.

14. Ushbu qaror rasmiy e‘lon qilingan kundan e‘tiboran kuchga kiradi.

**Xalq deputatlari tuman kengashi
raisi, Tuman hokimi**



I.Matiyev

Forish tuman hokimining
2023 yil 20 yanvardagi
20-3-53-Q/23-son qaroriga
1-ilova

Transport vositalarini texnik ko'rikdan o'tkazish

J A D V A L I

№	Karxona, tashkilot, idora, xo'jalik, kichik va xususiy korxonalar nomi	Kўриқдан ўтиш куни	Kўриқдан ўтиш жойи
1	Tuman hokimligi	1 mart	YXXG xovlisi
2	Tuman DSI	3 mart	YXXG xovlisi
3	Tuman Arxitektura bo'limi	5 mart	YXXG xovlisi
4	Tuman elektr ta'minoti korhonasi	16 mart	Tuman ETK garaji
5	Forish pochtasi	19 mart	YXXG xovlisi
6	Tuman Tibbiyot birlashmasi	30 mart	TTB xovlisi
7	Forish tumani "Yo'llardan foydalanish" UK	4 aprel	Tuman YXT va FPK garaji
8	«Forishtumangaz» gaz ta'minoti filiali	7 aprel	«Forishtumangaz» garaji
9	«Nurota» Davlat qo'riqxonasi	9 aprel	YXXG xovlisi
10	Obodonlashtirish boshqarmasi	10 aprel	YXXG xovlisi
11	"Kadastr agentligi" Forish tuman filiali	11 aprel	YXXG xovlisi
12	O'rmon xo'jaligi	12 -30 aprel	YXXG xovlisi
13	"Forish-Qo'lba" x.f	17 aprel	Xo'jalik garaji
14	Karbonat X.J	22 aprel	Xo'jalik garaji
15	1-Avtokorxona Uchquloch koni	28 aprel	YXXG xovlisi
16	Jismoniy va yuridik shaxslarga tegishli transport vositasi	5 may	YXXG xovlisi

Eslatma: Korxona, tashkilot rahbarlari (yuridik shaxs) texnik ko'rik boshlanishidan 10 kun oldin tuman YHXGga yuridik shaxsning rahbari, bosh hisobchi (bosh hisobchi funktsiyasini bajaruvchi shaxs) tomonidan imzolangan, yuridik shaxsning muhri bilan tasdiqlangan (tadbirkorlik sub'ektlaridan muhr bilan tasdiqlash talab qilinmaydi) texnik ko'rik dalolatnomasining bir nusxasi;

texnik ko'rikdan o'tkazganlik uchun yig'imning belgilangan summasi to'langanligini tasdiqlovchi hujjat (to'lov topshirig'i, kvitantsiya);

mukammal ta'mirlashda, xizmat safarida bo'lgan, ijaraga berilgan yoki sotishga qo'yilgan transport vositalari sonini tasdiqlovchi ma'lumotlar;

gaz yonilg'isida ishlash uchun qayta jihozlangan transport vositalariga o'rnatilgan gaz ballonlarining amaldagi davlat standartlariga mosligi haqidagi sertifikatlashtirish organi tomonidan berilgan muvofiqlik sertifikati nusxasi;

"Sanoatgeokontekxnazorat" davlat inspeksiyasining gaz ballonlarini sinovdan o'tkazish huquqini beruvchi ruxsatnomasi mavjud bo'lgan tashkilot tomonidan gaz yonilg'isida ishlash uchun qayta jihozlangan transport vositalarining gaz ballonlari

sinovdan o'tkazilganligi to'g'risidagi dalolatnoma nusxasi;

haydovchilar malaka oshirgani to'g'risida sertifikatining (sertifikatlari) nusxasini taqdim etishlari lozim.

Shaxsiy transport vositalari egalari ish kunlari soat 9-00 dan 18-00 gacha transport vositalarini texnik ko'rikdan o'tkazish uchun Forish tuman IIB YHXG binosiga kelishlari mumkin.

Forish tuman hokimining
2023 yil 20 yanvardagi
20-3-53-Q/23-son qaroriga
2-ilova

Trasport vositalarini yillik Davlat texnik ko'rigidan o'tkazish

bo'yicha tuman komissiya

T A R K I B I

V.Xusanov – tuman IIB YXX guruhi katta inspektori, kapitan, komissiya raisi

D.Xasanov – tuman mudofaa ishlar bo'lim boshlig'i
mayor, komissiya raisi
o'rinbosari

A ' z o l a r i:

Q.Xidirov – Tuman Ekologiya va atrof muhitni
muxofaza qilish bo'limi boshlig'i

A.Xoliqulov – «O'zbekinvest» sug'urta kompaniyasi
AJ menedjeri

M.Nasimov – AT «Xalq banki» tuman bo'limi
boshqaruvchisi

A.Abduqodirov - jamoatchi yordamchi (nafaqadagi)